

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N 01-02/179

ქ. ბათუმი

18 ოქტომბერი, 2021 წელი

2021-2022 სასწავლო წლის გაზაფხულის სემესტრისათვის ევროკომისიის მიერ დაფინანსებული „ერაზმუს+“ გაცვლითი პროგრამის ფარგლებში ბსუ-ს აკადემიური უმაღლესი განათლების სამივე საფეხურის საგანმანათლებლო პროგრამის სტუდენტთა გამოვლენის მიზნით კონკურსის ჩატარებისა და საკონკურსო კომისიის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „საერთაშორისო გაცვლითი პროგრამების ადმინისტრირების წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებისა და ბსუ-ს უნივერსიტეტის სტრატეგიული განვითარებისა და საგარეო ურთიერთობათა დეპარტამენტის უფროსის მოადგილის ნანა ყურშუბაძის 2021 წლის 13 ოქტომბრის MES 5 21 0001084365 სამსახურებრივი ბარათის საფუძველზე

ვბრძანებ:

1. გამოცხადდეს კონკურსი 2021-2022 სასწავლო წლის გაზაფხულის სემესტრისთვის ევროკომისიის მიერ დაფინანსებული „ერაზმუს+“ გაცვლითი პროგრამის ფარგლებში მობილობის განსახორციელებლად ბსუ-ს აკადემიური უმაღლესი განათლების სამივე საფეხურის საგანმანათლებლო პროგრამის სტუდენტთა შერჩევის მიზნით და განისაზღვროს შემდეგი საკონკურსო ვადები:
 - ა) კონკურსში მონაწილეობის მსურველთა მიერ ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით განსაზღვრული საკონკურსო დოკუმენტაციის მიღება 2021 წლის 19 ოქტომბრიდან 29 ოქტომბრის 18:00 საათამდე, (საინფორმაციო ტექნოლოგიების სამსახურის დახმარებით) - ელექტრონულ ფოსტაზე: <http://registration.bsu.ge> და erasmus@bsu.edu.ge. საკონკურსო დოკუმენტაცია შეიძლება წარმოადგინოს იმ პირებმა, რომლებმაც მიიღეს შეფასება (ჩააბარეს გამოცდა) ინგლისურ და გერმანულ ენებში (B1- B2) 2021 წლის 16 სექტემბერს „ერაზმუს+“ გაცვლითი პროგრამის კონკურსში მონაწილეობის მიზნით.
 - ბ) საკონკურსო დოკუმენტაციის შემოწმება და შეფასება - 2021 წლის 02 ნოემბერი - სტრატეგიული განვითარებისა და საგარეო ურთიერთობათა დეპარტამენტის (საკონკურსო კომისიის) მიერ.
 - გ) გასაუბრება საბაკალავრო და სამაგისტრო საგანმანათლებლო პროგრამის სტუდენტებთან - 2021 წლის 03 ნოემბერი, სადოქტორო საგანმანათლებლო პროგრამის სტუდენტებთან 2021 წლის 05 ნოემბერი (ჩატარდეს საკონკურსო კომისიასთან მისამართზე: ქალაქი ბათუმი, ნინოშვილის ქუჩა .N°35-ში, ბსუ-ს პირველი კორპუსი, ოთახი N°35). გასაუბრების ჩატარების ზუსტი დრო დამატებით ეცნობოს

სტუდენტებს ბსუ-ს ვებგვერდის ან/და მათ მიერ საკონკურსო განაცხადში მითითებულ ტელეფონებზე/ელექტრონულ ფოსტაზე;

დ) კონკურსანტთა სიების გადაგზავნა მიმდებ უნივერსიტეტში - 2021 წლის 15 ნოემბერი.

2. დამტკიცდეს საკონკურსო კომისიის ძირითადი შემადგენლობა:

ა) თამარ სირაძე - რექტორის მოადგილე (თავმჯდომარე);

ბ) გიორგი თავამაიშვილი - სტრატეგიული განვითარებისა და საგარეო ურთიერთობათა დეპარტამენტის უფროსი (თავმჯდომარის მოადგილე);

გ) ნანა ყურშიბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე;

დ) ვლადიმერ ღლონტი - ხარისხის უზრუნველყოფის სამსახურის უფროსი;

ე) ლევან ჯაყელი - იურიდიული და სოციალურ მეცნიერებათა ფაკულტეტის დეკანი;

ვ) მარინე გიორგაძე - ჰუმანიტარულ მეცნიერებათა ფაკულტეტის დეკანი;

ზ) ნათელა წიკლაშვილი - ეკონომიკისა და ბიზნესის ფაკულტეტის დეკანი;

თ) ლელა თურმანიძე - ზუსტ მეცნიერებათა და განათლების ფაკულტეტის დეკანი;

ი) მარინა ქორიძე - საბუნებისმეტყველო მეცნიერებათა და ჯანდაცვის ფაკულტეტის დეკანი;

კ) გოჩა ჩავლეშვილი - ტექნოლოგიური ფაკულტეტის დეკანი.

3. სტუდენტების კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ განსაზღვრული კრიტერიუმებით და პროცედურებით.


4. წინამდებარე ბრძანების აღსრულებაზე კონტროლი განახორციელოს რექტორის მოადგილემ, პროფესორმა თამარ სირაძემ.

5. ბრძანების ბსუ-ს ოფიციალურ ვებგვერდსა (კონკურსების ველში) და საინფორმაციო დაფებზე (კანცელარიასთან და ფაკულტეტებზე) განთავსება უზრუნველყოს საინფორმაციო ტექნოლოგიების სამსახურმა და კანცელარიამ, მათი კომპეტენციების შესაბამისად.

6. ბრძანება სახელმძღვანელოდ და აღსასრულებლად დაეგზავნოს ბსუ-ს შესაბამის სტრუქტურულ ერთეულებს (საინფორმაციო ტექნოლოგიების სამსახურს, სტრატეგიული განვითარებისა და საგარეო ურთიერთობათა დეპარტამენტს, იურიდიულ დეპარტამენტს, ფაკულტეტებს), საკონკურსო კომისიის წევრებს, ადმინისტრაციის ხელმძღვანელს და რექტორის მოადგილეებს.

7. ბრძანება ძალაშია ხელმოწერისთანავე.

რექტორი, პროფესორი



მ. ხალვაში